

(v)ITAL - LOCAL – ORGANIC – PLANTBASED

Bo a indiká di ta interesá den e pakete di bèrdura i fruta orgániko lokal kuianne Balentien i Roland van Reenen ta ofrese. Pe motibu ei bo ta risibi e mail aki.



Nos tin bon noticia pa bo! Nos a kuminsa riba djarason 2 di november 2016 ku un periodo di prueba di 3 luna. Nos a kuminsa un pakete di 1 persona. Por supuesto ta posibel pa skohe un òf mas paketenan en relashon ku e tamaño di bo famia. E periodo di prueba a kompletá ku eksito!

Kada siman tin por lo menos 5 á 6 diferente sorto di bèrdura i fruta den e pakete. E kantidat ta ahustá na 1 persona. Nos tin e intenshon pa den futuro ofrese tambe paketenan mas grandi.

Huntu ku e pakete ta inklui un korant kaminda bo ta risibi tur siman 2 resetanan dushi a base di e kontenido di e pakete. Ademas e korant ta kontene informashon tokante di e kunukero pa asinabo por sera konosí ku nan. Tambe bo ta haña hopi informashon detayá di alimentashon orgániko den e korant.

E preis di e pakete ta Naf. 18.00. Apesar ku nan ta bèrdura i fruta orgániko i pues tin un balor adishonal kompará ku e bèrdura i fruta regular den supermerkadu, e diferencia di preis ta minimal. E kunukeronan ta haña un bon preis pa nan esfuerso pasobra nos ke garantisá e kontinuidat i kresementu sano di e sektor orgániko na Kòrsou. Tambe nos gastunan ta inklui den e preis. Ademas bo ta inverti pa un biaha den 2 “coolbox” inkluso e elementonan pa wanta friu na e preis di Naf. 25,00. Bo ta hañanan serka nos i bo ta paga esaki pa mas tardá e djabierne prome ku e dia di tuma pakete. E “coolboxnan” ta keda bo propiedat.

Kon e ta traha?

Tur djarason atardi e paketenan ta kla na 4 adrès; Schonegevelstraat #64, St. Michielsweg #14a, na Hòfi Cas Còrà riba Reigerweg i na e kunuku di Aishel Marchena riba Kaminda Duvert Boy Nicolina. E sistema ta funshoná ku pago adelantá (prepagu). Bo ta paga pues semper un siman adelantá. Di e forma aki nos por garantisá e kunukeronan un medio di eksistencia. E prome biaha bo ta paga pa un biaha 2x e preis pasobra e prome biaha bo no por a paga adelantá. Si bo ta desea na stòp ku e sistema lo no mester paga pa e ultimo biaha ku ta tuma pakete pasobra e ta pagá un siman adelantá kaba.

E kontenido di e pakete ta un sorpresa. Eksperensha a siña nos ku hendenan semper ta haña esaki interesante i di e manera aki nan ta wòrdu retá pa kushiná na un manera diferente. Tambe nan no mester preokupá tokante nan eskoho manera den tienda.

Loke nos ke sa di bo ta:

Bo nòmber, adrès i number di telefòn i e kantidat di paketenan ku bo ta desea di tuma pa siman. Por supuesto ta posibel pa falta un siman. Den e kaso aki bo ta paga adelantá pa un siman despues.

Nos ke sa tambe unda bo ta desea na rekohé bo pakete; na Schonegevelstraat den Mahuma, na St. Michielsweg den Julianadorp, Hòfi Cas Còrá na Cas Còrá òf na Rooi Santu riba Kaminda Duvert Boy Nicolina.



Riba djarason por pasa rekohé bo pakete. E prome biaha bo ta paga pa e pakete ku bo ta tuma e dia ei i tambe pa e pakete di e siguiente siman.

Si tin kualke pregunta adishonal, nos ta tende esaki gustosamente!

Por ultimo; e kontenido di e pakete pa e periodo aki por konsisti di bonchi largu (kouseband), berehein, kòmkòmber salada, baoba, pampuna, patia, microgreens(bèrdura mikro), spinazi, kalalu, guiambo, siboyo largu, yuka, papaya, batata dushi etc., etc...

Un saludo kordial di nos parti,

Koperativa Fresku i Orgániko
Roland van Reenen i Gianne Balentien
Co-inisiadónan di proyekto Pakete (v)ITAL di bèrdura i fruta lokal orgániko

Meer info: Roland 660-1456 / roworld2004@hotmail.com, Gianne 663-3878 / gbalentien@gmail.com

LOCAL – ORGANIC – PLANTBASED